

**PRAVA I OBAVEZE KORISNIKA  
JAVNIH PARKING PROSTORA  
KOJIMA UPRAVLJA JP "ONSA" D.O.O. SARAJEVO**

1. Javni parking prostori se koriste za parkiranje motornih vozila pravnih i fizičkih lica (u daljem tekstu: Korisnik).
2. Korisnikom parking prostora smatra se vozač ili vlasnik vozila ako vozač nije identifikovan.
3. Za potrebe parkiranja isključivo vozila invalida, a u zavisnosti od kapaciteta parking prostora, osiguran je određeni broj parking mjesta, na kojima će se naplaćivati naknada za parkiranje nakon 3 sata besplatnog parkiranja, a koja su posebno obilježena vertikalnom i horizontalnom saobraćajnom signalizacijom, kao mjesta za invalide. Pravo korištenja mjesta za parkiranje vozila invalida ostvaruju invalidna lica koja posjeduju znak pristupačnosti, odnosno međunarodni znak invalida, a u skladu sa odredbama člana 29. Zakona o osnovama sigurnosti saobraćaja na putevima u Bosni i Hercegovini i odredbama Pravilnika o obilježavanju vozila kojim upravlja lice sa invaliditetom ili kojim se prevozi lice sa invaliditetom ("Službeni glasnik BiH", broj: 92/15).
4. Vozila pravnih lica, koja su izvođači radova na javnim površinama, za vrijeme dok se radovi izvode, shodno odobrenju Preduzeća, izuzeta su od plaćanja naknade za parkiranje.
5. Fizička lica, kao i sva pravna lica imaju pravo na pretplatnu kartu u skladu sa Cjenovnikom usluga parkiranja. Fizičkom licu koje dokaže da je vlasnik više od jednog vozila, može se izdati više od jedne pretplatne karte.
6. **Korisnik javnog parking prostora je obavezan da:**
  - a. **Plati korištenje parking mjesta prema vremenu zadržavanja,**
  - b. **Koristi parking mjesto shodno horizontalnoj i vertikalnoj signalizaciji kojom je označeno parking mjesto,**
  - c. **Ukoliko zbog veličine parkiranog vozila zauzima više parking mjesta, Korisnik je dužan platiti upotrebu za onoliko mjesta koliko zauzima.**
7. Korisnik javnog parking prostora plaća uslugu korištenja javnog parking prostora nakon korištenja putem uređaja automatske naplate ili na naplatnom mjestu unutar javnog parking prostora, gdje prilikom napuštanja parking prostora plaća naknadu prema podacima sa ulaznog printanog listića.
8. Na javnim parking prostorima naplata parkiranja se vrši po započetom satu.
9. Na javnim parking prostorima zabranjeno je odlagati otpad, opasne materije i sve druge materijale koji mogu ugroziti ostale korisnike javnog parking prostora.
10. Korisnik javnog parking prostora je dužan posjedovati ili ulazni printani tiket ili mjesečnu parking kartu kako bi im bilo omogućeno korištenje javnog parking prostora.
11. Korisnik javnog parking prostora je dužan pridržavati se uputa lica koja su zadužena za održavanje parking prostora.
12. Za štete nastale na vozilima Preduzeće ne odgovara.
13. Korisnik može ponijeti primjedbu vezanu za korištenje parking prostora putem email-a: info@jpsona.ba ili na kontakt telefon: 033 646 470.



Direktor